

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республика мутасын вöрса пöжарьяс вöсна вöрьясын дiнму сяма неминуча режим пыртöм йылысь

«Вöр-ва да техногенной сяма неминучаясысь олысьясöс да мутасыс видзöм йылысь» 1994 во öшым тöлысь 21 лунся 68-ФЗ №-а Федеральной оланпас, «Неминучаясысь öлöдан да найöс бырöдан öтувья канму система йылысь» Россия Федерацияса Веськöдлан котырлөн 2003 во öшым тöлысь 30 лунся 794 №-а шуöм, «Вöрса пöжарьяс вöсна вöрьясын неминучаяс йылысь» Россия Федерацияса Веськöдлан котырлөн 2011 во ода-кора тöлысь 17 лунся 376 №-а шуöм серти, вöрса пöжарьясысь видзан формированиеясысь, пöжарьяс кусöдан техникаысь да оборудованиеысь öтвылысь 70 сайö прöчентөн вöдитчöмкöд йитöдын, кутшöмьясöс урчитöма Коми Республика мутасын вöрса пöжарьяс кусöдан сводной планөн, а сiдзжö вöрьясын IV-V класса пöжарной опасносът артмöмкöд, дыр кутчысьысь кос да жар поводдякöд йитöдын, мый вöсна крута содö вöрьясын пöжарьяслөн лыдыс да площадыс, вöрса пöжарьяс вöсна артмöм неминучаысь öлöдöм да сийöс бырöдöм могысь шуа:

1. Пыртны 2022 вося сора тöлысь 13 лунсянь да торья тшöктöмöдз Коми Республика мутасын вöрса пöжарьяс вöсна вöрьясын дiнму сяма неминуча режим.

2. Индыны тайö Индöдлөн 1 пунктын индöм неминуча бырöдöмөн юрнуöдысьөн Коми Республикаса вöр-ва озырлун да гөгöртас видзан министрöс.

3. Урчитöм пöрадокын корны кусöдны вöрса пöжарьясö юкöдувьясса да формированиеясса вынъяс да средствояс, кутшöмьясöс урчитöма Коми Республика мутасын вöрса пöжарьяс кусöдан да дiнмукогтса маневрируйтан сводной планөн.

4. Коми Республикаса вöр-ва озырлун да гөгöртас видзан министрлы Россия Федерацияса оланпастэчас да Коми Республикаса оланпастэчас серти:

1) могмöдны Коми Республикаын муниципальной юкөньясса оперативной штабьясын лесничествоясөн юрнуöдысьяслысь участвуйтöмсö;

2) котыртны Коми Республика мутасын вöрса пöжарьяс кусöдöм серти удж;

3) мониторингны Коми Республика мутасын вöрьясын вöрса пöжарьяс серти серпассö;

4) котыртны коланлун дырйи вöрса пöжарьяс кусöдöм вылö содтöд вынъяс да средствояс дiнмукогтса маневрируйтöм серти ыстöмсö;

5) быд лун серпас бурмытöдз юöртны Неминучаясысь öлöдöм да найöс бырöдöм да пöжарысь видзчысьöмсö могмöдöм серти Коми Республикаса комиссиян вескöдлысьлы Коми Республика мутасын вöрьясын пöжарнöй опасосьт да вöрса пöжарьяс йылысь мыччöдьяс.

5. Вöзйыны Россияса МЧС-лөн Коми Республикаын медшöр вескöдланінлы могмöдны Коми Республикаын пöжарысь мездан мутасса гарнизонлысь содтöд выньяс да средствояс корöмсö олан пунктьяс да экономика объектьяс пöжарысь видзöмсö тöд вылын кутöмөн.

6. Вöзйыны Коми Республикаын муниципальнöй юкөньясса юралысьяслы могмöдны Коми Республикаын муниципальнöй юкөньяслөн меставывса асвескöдлан органьяслысь, аварияысь мездан нештатнöй да öтйöза формированиеяслысь выньяс да средствояс, а сідзжö мездысьясöс, кодьяс оз пырны индöм формированиеясö, корöмсö.

7. Вöзйыны Коми Республикаын Россия Федерацияса пытшкöс делöяс министерстволы:

1) сетны öтйöза пöрадок да объектьяс, кутшöмьяс могмöдöны вöрса пöжарьяс местаясын да накöд орчча мутасьясын олысьяслысь олöмсö, видзöмсö ёнмöдöм серти отсöг;

2) аслас уджмогьясын сетны лесничествоясын уджалысьяслы вöрö гражданаөн ветлöмысь да сэтчö транспорт средствоясөн пырöмысь дзескöдöм серти отсöг.

8. Тайö Индöдсö олöмö пöртöм бöрся кута видзöдны ачым.

9. Тайö Индöдыс вынсялö сійöс официальнöя йöзöдан лунсянь.

Коми Республикаса Юралысь

В. Уйба

Сыктывкар

2022 вося сора тöлысь 13 лун

76 №